



叙錄

唐書括地志五百五十卷又序畧五卷

魏王泰命著作郎蕭德言

秘書郎顧允記室參軍蔣亞卿功曹參軍謝偃蘓勗撰

通鑑綱目曰唐太宗貞觀十六年春正月魏王泰

上括地志泰好學司馬蘓勗以古之賢王皆招士

著書故泰奏請修括地志於是大開館舍門庭如

市至是上之

玉海曰魏王泰善屬文即府置文學館得自列學

士正觀十二年奏撰括地志引著作郎蕭德言秘

書郎顧嗣記室蔣亞卿功曹謝偃蘓勉撰次衛尉  
供帳光祿給食分道計州緝緝疏錄凡五百五十  
篇歷四期成詔藏秘閣賜物萬段詔曰博采方志  
得於舊聞旁求故老考於傳信內殫九服外極八  
荒簡而能周博而尤要度越前載垂之不朽

按新舊唐書魏王泰為唐太宗弟子其撰次此  
書蓋以為傾儲奪嫡之計而卒以獲罪茲不具錄  
惟是此書當日雖詔藏秘閣必已宣布中外流傳  
宜廣乃以予所攷唐人修書惟張守節史記正義

於本紀八書世家列傳中郡邑山川古蹟悉引括  
地志為注外則徐堅初學記州郡總載綱領亦采  
括地志為說乃至宋修太平御覽引書至一千六  
百九十件獨無一語及括地志故未開列卷首書  
目若以為其書已亡則樂史寰宇記亦並時所修  
何以屢見稱引是此書在當時存亡尙未可知即  
不能如李吉甫元和郡縣志有足本然較之賈耽  
郡國縣道記梁載言十道志所可據拾猶多也今  
故祇從史記諸正義中鈔出八百十條益以

寰宇記十五條又坤元錄十條而冠以初學記一段為之綱領餘悉據本書前後釐為二卷

不詳收李吉甫元味澤縣志亦其本然澤文賈魯所以墨尺稱其長此善亦當執其寸尚無何賦謂目莽以益其害曰亡國樂史寰宇記亦載魏西州百六十年國無一語又此數志始末開歷卷首書此數志為魏代至宋於太平時買長青至一千六

魏王泰括地志卷上

會稽沈禮意心齋參

金谿王謨仁甫輯

魏武輔政吳蜀三方鼎峙疆場不定漢建安中置郡十二新興樂平西平新平畧陽陰平帶方譙郡樂陵章武南陽襄陵是也又省上郡朔方五原雲中定襄漁陽廬江等七郡文帝受禪又置七郡朝歌陽平弋陽魏興新城義陽安豐是也明帝置六郡平公孫度得遼西遼東帶方玄菟樂浪又置上庸一郡少帝又

漢書地理志卷之八  
置平陽一郡并得漢舊郡國五十四平蜀得二十郡  
劉備初置郡九巴東巴西梓潼江陽文山漢嘉朱提  
雲南涪陵并得漢舊巴郡廣漢犍爲牂牁越嶲益州  
漢中永昌南安武都是也晉太康平吳之後天下一  
統平吳得州四交廣荆揚也郡四十三孫權置臨賀  
武昌朱崖新安廬陵五郡孫亮又置臨川臨海衡陽  
湘東四郡孫休置天門建平建安合浦四郡孫皓置  
始安始興邵陵安成新昌武平九德吳興東陽桂林  
滎陽等十一郡因立宜陽一郡并漢十八郡合四十

三郡凡州十六司冀兗豫荆揚徐青幽并雍涼梁益  
交廣是也晉自蕩陰敗後羌羯交侵至乎劉曜陷洛  
陽於是司冀雍涼青并兗豫幽平秦營十二州並淪  
沒矣後魏孝文帝都洛陽開拓土宇明帝熙平元年  
凡州四十六鎮十二郡國二百八十九矣天平年凡  
州六十八至武定年凡州一百一十一郡五百一十  
九周明帝受魏禪至大象二年凡州二百一十一隋  
文帝受周禪至開皇三年罷天下郡其縣但隸州而  
已九年平康已後四海一家大業三年罷州爲郡而

漢魏遺書金卷上  
四  
年大簿凡郡國一百八十三唐貞觀十三年大簿凡  
州府三百五十八雍華同宜岐隴幽涇寧鄜州都督  
府坊延原都督府靈州都督府丹夏都督府銀孟勝  
州都督府綏慶家蒲虞汾絳秦晉隰慈呂石潞州都  
督府沁韓澤岱州都督府忻朔蔚雲并州都督府其  
嵐懷相州都督府衛黎魏洛邢霸博冀德觀深瀛滄  
定恒并幽易媯檀平明營州都督府遼師昌崇慎威  
號陝穀唐兗陳潁徐州都督府滑泗譙豫亳密青濟  
濮萊濟州都督府滔宋鄆許冀曹海沂洛州都督府

鄭汴汝襄夔州都督府萬開隨硤蓬鳳忠渠通集興  
利溫復合鄧歸荊州都督府梁州都督府均靜金巴  
商洋淪房壁閬始梓資嘉陵果遂州都督府益州都  
督府綿大榮眉雅普翼茂州都督府簡向塗戎都督  
府瀘州都督府雋州都督府冉竿維微穹郎協曲褒  
靡微姚髡州匡宗尹曾州樂鉤昆陽光蘄申壽昌豪  
廬沔荆揚州都督府滁楚和安州都督府黃秦州都  
督府成武渭蘭州都督府河鄯廓儒岷洮宕臺橋梁  
州都督府肅甘瓜沙尹芳文松州都督府扶居巖奉

雅叢遠其生諸真都

懿河湊般鐘

厥器調流

邇率序淳軌州都督府漳津泣王彭祐峨壘州都督  
府龍會潭州都督府費江涪鄂郢潤施郎岳黔州都  
督府睦括常撫榔台虔饒衡永郡連婺道吉越州都  
督府洪州都督府袁杭宣湖蕪歙辰至南夸應琰莊  
祥充播年恩州都督府循建振昭韶廣州都督府  
羅崖州都督府繡辨端新春滔寶邑潮賀封梧蒙卽  
龍桂州都督府廉賓藥泉欽橫貴象交州都督府  
儋靄峯融容愛龔州都督府澄鸞演白景林義智驩

州都督府儋崖州是也凡縣一千五百五十一至十

四年西克高昌又置西州都護府及庭州并六縣通

前凡三百六十州依叙之爲十道也

初學記

厲山在隨州隨縣北百里山東有石穴曰神農生于

厲鄉所謂列山氏也春秋時爲厲國

阪泉今名黃帝泉在媯州懷戎縣東五十六里出五

里至涿鹿東北與涿水合又有涿鹿故城在媯州東

南五十里本黃帝所都也

九山卽丹山在青州臨朐縣界朱虛故縣西北二十

里丹水出焉

空桐山在肅州祿福縣東南六十里

笄頭山一名崆峒山在原州平原縣西百里禹貢涇水所出

熊耳山在商州洛縣西十里齊桓公登之以望江漢

湘山一名扁山在岳州巴陵縣南十八里

釜山在媯州懷戎縣北三里山上有舜廟

安陽故城在豫州新恩縣西南八十里應劭云古江國也

黃帝陵在寧州羅川縣東八十里子午谷

居延海在甘州張掖縣東北千六十四里

唐國今晉州所理平陽故城是也平陽河水一名晉水

丹朱故城在鄧州內鄉縣西南百三十里丹朱故爲

縣

媯源泗水出蒲州河東南山

故龔城在檀州燕樂縣界故老傳云舜流共工幽州居此城



三危山有峯故曰三危俗亦云卑羽山在沙州燉煌縣東南三十里

羽山在沂州臨沂縣界

堯陵在濮州雷澤縣西三里雷澤縣本漢鄆陽縣

故堯城在濮州鄆城縣東北十五里竹書云昔堯德

衰為舜所囚也又有偃朱故城在縣西北十五里竹

書云舜囚堯復偃塞丹朱使不與父相見也

故虞城在陝州河北縣東北五十里虞山之上

姚墟在濮州雷澤縣東十三里

姚墟

媯州有媯水源出城中耆老傳云即舜釐降二女于

媯汭之所外城中有舜井城北有歷山山上有舜廟

蒲州河東縣雷首山一名中條山亦名歷山亦名首

陽山亦名蒲山亦名襄山亦名甘棗山亦名猪山亦

名狗頭山亦名薄山亦名吳山此山西起雷首山東

至吳坂凡十一名隨州縣分之歷山南有舜井

封禪書正

義引此云薄山亦名襄山一名寸棘一名渠山一名

雷首一名獨頭一名首陽一名吳山一名條山在陝

州芮城縣北十里此山西起雷山東至吳坂凡十名  
以州縣分之多在蒲州○按二說詳畧微有不同故  
並錄之

漢書地理志卷上  
越州餘姚縣有歷山舜井濮州雷澤縣有歷山舜井  
二所又有姚墟云生舜處及媯州歷山舜井皆云舜  
所耕處未詳也

雷夏澤在濮州雷澤縣郭外西北

陶城在蒲州河東縣北三十里卽舜所都也南去歷  
山不遠或陶所在則可何必定陶方得爲舜陶之陶  
也斯或一焉

舜井在媯州懷戎縣西外城中其西又有一井耆舊  
傳云並舜井也舜自中出

百濟國西南海中有大島十五所皆置邑有人居屬  
百濟又倭國西南大海中島居凡百餘小國在京南  
萬三千五百里

平陽今晉州城是也潘今媯州城是也蒲坂今蒲州  
南二里河東縣界蒲坂故城是也

外戚世家正義引  
此云平陽故城卽

晉州城西南今平  
陽故城東南也

鼻亭神在道縣北六十里故老傳云舜葬九疑象來

至此後人立祠名爲鼻亭神

虞國舜後所封邑也或云舜封子均于商故號商均

禹居洛州陽城者避商均非時久居也

定州唐縣堯後所封宋州虞城縣舜後所封也

並五帝本

紀正

茂州汶川縣石紐山在縣西七十三里

壺口山在慈州吉常縣西南五十里冀州境也梁山

在同州韓城縣東南十九里岐山岐州岐山縣東北

十里二山雍州境也

霍山在沁州沁原縣西七八十里

故懷城在懷州武陟縣四十二里

衡漳水在瀛州東北百二十五里平舒縣界

靺鞨國古肅慎也在京東北萬里已下東及北各抵

大海其國南有白山鳥獸草木皆白其人處山林間

土氣極寒常為穴居以深為貴至接九梯養豕食肉

衣其皮冬以猪膏塗身厚數分以禦風寒貴臭穢不

潔作厠於中園之而居多勇力善射弓長四尺如弩

矢用楛長一尺八寸青石為鏃葬則交木作槨殺猪

積槨上富者至數百貧者數十以為死人之糧以土

上覆之以繩繫于槨頭出土上以酒灌酹繩腐而止

無四時祭祀也

雷夏北雍沮二水在雷澤西北平地也

密州莒縣山濰水所出淄州淄川縣東北七十里原

山淄水所出俗傳云禹理水功畢土石黑數里之中

波若漆故謂之淄水也

嶧山在兗州鄒縣南二十二里

泗水至彭城呂梁出石磬

泗水源在兗州泗水縣東陪尾山其源有四道因以

為名

彭蠡湖在江州潯陽縣東南五十二里

倭國武皇后改曰日本國在百濟南隔海倭島而居

凡百餘小國此皆揚州之東島夷也

江水源出岷州南岷山南流至益州即東南流入蜀

至瀘州東流經三峽過荊州與漢水合孫卿子云在

水其源可以濫觴也

漢水源出梁州金牛縣東二十八里嶓冢山

繁江水受鄂江禹貢曰岷山導江東別為沱源出益

州新繁縣潛水一名復水今名龍門水源出利州綿

無四時祭祀也

雷夏北雍沮二水在雷澤西北平地也

密州莒縣山濰水所出淄州淄川縣東北七十里原山淄水所出俗傳云禹理水功畢土石黑數里之中波若漆故謂之淄水也

嶧山在兗州鄒縣南二十二里

泗水至彭城呂梁出石磬

泗水源在兗州泗水縣東陪尾山其源有四道因以爲名

彭蠡湖在江州潯陽縣東南五十二里

倭國武皇后改曰日本國在百濟南隔海依島而居凡百餘小國此皆揚州之東島夷也

江水源出岷州南岷山南流至益州卽東南流入蜀至瀘州東流經三峽過荊州與漢水合孫卿子云在水其源可以濫觴也

漢水源出梁州金牛縣東二十八里嶓冢山

繁江水受鄆江高貢曰岷山導江東別爲沱源出益州新繁縣潛水一名復水今名龍門水源出利州綿

谷縣東龍門山石穴下也

辰州盧溪縣西南三百五十里有包茅山

荆山在襄州荆山縣西八十里韓子云下和得玉璞

於楚之荆山即此也河洛州北河也

伊水出虢州盧氏縣東巒山東北流入洛洛水出商

州洛南縣冢嶺山東流經洛州郭內又各合伊水瀍

水出洛州新安縣東南流至洛州郭內南入洛澗水

源出洛州新安縣東白石山之陰東北與穀水合流

經洛州郭內東流入洛

荷澤在曹州濟陰縣東北九十里定陶城東今名龍

池亦名九卿陂

黑水源出梁州城固縣西北太山

岷山在岷州溢洛南一里連綿至蜀二千里皆名岷

山嶓冢山在梁州金牛縣東二十八里

蒙山在雅州嚴道縣南十里

西傾山今強臺山在洮州臨澤縣西南三百三十六

里

涇水源出原州百泉縣西南笄頭山涇谷東南流入

渭渭水源出渭原縣西七十六里鳥鼠山今名青雀山渭有三源並出鳥鼠山東流入河

漆水源出岐州普潤縣東南岐漆山漆溪東入渭沮水一名川水源出雍州富平縣東入櫟陽縣南漢高帝于櫟陽置萬年縣

雍州鄠縣終南山澧水出焉北入渭也

荆山在雍州富平縣今名掘陵原岐山在岐州岐山縣東北十里

終南山一名中南山一名大一山一名南山一名橘

山一名楚山一名秦山一名周南山一名地脯山在雍州萬年縣南五十里

都野澤在涼州姑臧縣東北二百八十里

積石山今名小積山在河州枹罕縣西七里河州在京西一千四百七十二里龍門山在同州韓城縣北五十里

汧山在隴州汧源縣西六十里其山東隣汝岫西接隴岡汧水出焉

雷首山在蒲州河東縣大嶽霍山也在沁州沁源縣

底柱俗名三門山硤石縣東北五十里黃河之中  
析城山在澤州西南七十里

王屋山在懷州河內縣北十里

太行山在懷州河內縣北二十五里有羊腸坂恒山

在定州恒陽西北百四十里

華山在華州華陰縣界八里熊耳山在虢州盧氏縣

南五十里嵩高山亦名大室山亦名外方山在洛州

城陽縣北二十三里桐栢山在唐州東南五十里淮

水出焉橫尾山古陪尾山也在安州安陸縣北六十

里

荆山在襄州荆山縣西八十里

荆山縣本漢臨沮縣地沮水即漢水也

章山在荊州長林縣東北六十里今漢水附章山之

東與經史符會

岷山在茂州汶川縣衡山在衡州湘潭縣西四十一

里

蘭門山一名合黎一名窮谷山在甘州刪丹縣西南

七里



合黎一名羗谷水一名鮮水一名覆表水今名副投  
河亦名張掖河南自吐谷渾界流入甘州張掖縣  
黑水源出伊吾縣北百二十里又南流二十里而絕  
盟津周武王伐紂與八百諸侯會盟津亦曰孟津又  
曰富平津

大邳山今名黎陽東山又曰青壇山在衡州黎陽南  
七里

降水源出潞州屯留縣西南方東北流冀州入海  
嶓冢山水始出山沮洳故曰沮水東南爲潏水又爲

沔水至漢中爲漢水至均州爲滄浪水始欲出大江  
爲夏口又爲沔口漢江一名沔江也

均州武當縣有滄浪水

禹貢三江俱會于彭蠡合爲一江入于海

沔水出懷州王屋縣北十里王屋山頂崖下石泉停  
不流其深不測至縣西北二里平地其源重發而東  
南流爲沔水

陶正在濮州鄆城西南二十四里

鳥鼠山今名青雀山在渭州渭源縣西七十六里

咎繇墓在壽州安豐縣南一百三十里故六城東東都陂內大冢也

光州固始縣本春秋時蓼國偃姓皐陶之後也

許故城在許州許昌縣南三十里本漢許縣故許國

也

陽城縣在箕山北十三里

正義云恐箕字誤本是嵩字兩字相似其陽城縣在

嵩山南二十三里則為嵩山之陽也

雍州南鄂縣本夏之扈國也

故鋤城在滑州衛城縣東十里

商邱今宋州也斟灌故城在青州壽光縣東五十四

里斟尋故城今青州北海縣是也故過鄉亭在萊州

掖縣西北二十里本過國地故鬲城在洛州密縣界

故鄒城在洛州鞏縣西南五十八里蓋桀所築也陽

翟縣又是禹所封為夏伯

劉累故城在洛州緱氏縣南五十五里乃劉累之故

地也

廬州巢縣有巢湖即尙書成湯放桀于南巢者也

夏亭故城在汝州郟城縣東北五十四里蓋夏后所

到也

汴州雍邱縣古杞國城周武王封禹後號東樓公

禹陵在越州會稽縣南十三里廟在縣東南十一里

並夏本  
紀正義

相州安陽本盤庚所都即北冢殷墟南去朝歌城百

四十六里

商州東八十里商洛縣本商邑古之商國帝嚳之子

高所封也

故子城在衛州華城縣東北八十里蓋子姓之別邑

宋州城古關伯之墟即商邱也

又云羿所  
封之地

宋州穀熟縣西南三十五里南亳故城即南亳湯都

也宋州北五十里大蒙城為景亳湯所盟地因景山

為名河南偃師為西亳帝嚳及湯所都盤庚所從都

之

亳邑故城在洛州偃師縣西十四里本帝嚳之墟商

湯之都也

古莘國在汴州陳留縣東五里故莘城是也

高滙原在蒲州安邑縣北三十里南坂口即古鳴條

陌也鳴條戰地在安邑西

曹州濟陰縣即古定陶東有三禮亭是也

蒲城北郭東三里平地有湯冢

又洛州偃師縣東六里有湯冢近桐宮

伊尹墓在洛州偃師縣西北八里

又宋州楚邱縣西北十五里有伊尹墓

滎陽故城在鄭州滎澤縣西南十七里殷時敖地也

故殷城在相州內黃縣東南十三里即河亶甲所築

都之故名殷城

絳州龍門縣東南十二里耿城故耿國也

鹿臺在衛縣西南三十二里

沙邱臺在邢州平鄉東北二十里

酒池在衛州衛縣西二十三里

相州谷陽縣西南五十里有九侯城亦名鬼侯城蓋

殷時九侯城也

比于見微子去箕子狂乃歎曰主過不諫非忠也畏

死不言非勇也過則諫不用則死忠之至也進諫不

去者三日紂問何以自持比子曰修善行仁以義自

陌也鳴條戰地在安邑西

曹州濟陰縣卽古定陶東有三醜亭是也

蒲城北郭東三里平地有湯冢

又洛州偃師縣東六里有湯冢近桐宮

伊尹墓在洛州偃師縣西北八里

又宋州楚邱縣西北十五里有伊尹墓

滎陽故城在鄭州滎澤縣西南十七里殷時敖地也

故殷城在相州內黃縣東南十三里卽河亶甲所築

都之故名殷城

絳州龍門縣東南十二里耿城故耿國也

鹿臺在衛縣西南三十二里

沙邱臺在邢州平鄉東北二十里

酒池在衛州衛縣西二十三里

相州谷陽縣西南五十里有九侯城亦名鬼侯城蓋  
殷時九侯城也

比于見微子去箕子狂乃歎曰主過不諫非忠也畏  
死不言非勇也過則諫不用則死忠之至也進諫不  
去者三日紂問何以自持比子曰修善行仁以義自

持紂怒曰吾聞聖人心有竅信諸遂殺比干刳視其心也

今衛州城卽殷牧野之地周武王伐紂築也並殷本紀正義

故周城一名美陽城在雍州武功縣西北二十五里

卽太王城也

故釐城一名武功城在雍州縣西南二十五里一作在故

雍縣南七里古邠國后稷所封也有后稷及姜嫄祠

不窋故城在慶州宏化縣南三里卽不窋在戎狄所

居之城也

幽州新平縣卽漢漆沮縣詩幽國公劉所邑之地也

梁山在雍州好時縣西北十八里

孤竹故城在平州盧龍縣南十二里殷時諸侯孤竹

國也姓甄氏

古婁國城在同州河西縣南二十里

驪戎故城在雍州新豐縣東南十六里殷周時驪戎

國城也

鄭州新鄭縣本有熊氏之墟也

故虞城在陝州河北縣東北五十里虞山之上古虞

國也故芮城縣西二十里古芮國也閒原在河北縣西六十五里

陰密故城在涇州鶉觚縣西其東接縣城卽古密國故黎城黎侯國也在潞州黎城縣東北十八里尙書云西伯既戡黎是也

故邗城在懷州河內縣西北二十七里古邗國地也

周豐宮周文王宮也在雍州鄠縣東三十五里

鎬在雍州西南三十二里

周文王墓在雍州萬年縣西南二十八里原上也

衛州城故老云周武王伐紂至於商郊牧野乃築此城

紂都朝歌在衛州東北七十三里朝歌故城是也本妹邑殷王武丁始都之

國州竹山縣及金州古盧國也益州及巴利等州皆古蜀國隴右岷洮叢等州以西羌也姚府以南古髡國之地戎府之南古微盧彭三國之地濮在楚西南有髡州微濮州瀘州府彭州焉武王率西南夷諸州伐紂也

比干墓在衛州汲縣北十里三百五十步

陳州宛邱縣在陳城中即古陳國也帝舜 邊父為

周武王陶正武王賴其器用封其子媯滿 陳都宛

邱之側

兗州曲阜縣外城即周公旦子伯禽所築 魯魯城也

燕山幽州漁陽縣東南六十里

鄭州管城縣外城古管國城也周武王弟叔鮮所封

豫州北七十里上蔡縣古蔡國武王封弟叔度于蔡

是也縣東十里有蔡岡因名也

幽州三水縣西十里有幽原周先公劉所都之地也

幽城在此原上因公為名

自禹至太康與唐虞皆不易都城然則居陽城為禹

避商均時非久都也

故鄆城在洛州鞏縣西南五十八里

太行恒山連延東北接碣石接嶽山又晉州霍山一

名大岳在洛北山在洛東北

故王城一名河南城本郝鄆周公所築在洛州河南

縣北九里苑內東北隅自平王以下十二王皆都此



城至敬王乃遷都成周至赧王又居王城

桃林在陝州桃林縣西趙世家引此下云至潼關皆為桃林塞地

武王墓在雍州萬年縣西南二十八里畢原上也

洛陽故城在洛州洛陽縣東北二十六里周公所築

卽成周城也

泗水徐城縣北三十里古徐國卽淮夷也兗州曲阜

縣奄至卽奄國之地也

薄姑故城在青州博昌縣東北六十里薄姑氏殷諸

侯封于此周滅之也

故祭城在鄆州管城縣東北十五里鄭大夫祭仲邑

也

晉州霍邑縣本漢彘縣後改彘曰永安

號故城在岐州陳倉縣東四十里

千畝原在晉州岳陽縣北九十里

漢樊縣城在兗州瑕邱縣西南三十五里古樊國仲

山甫所封也

褒國城在梁州褒城縣東二百步古褒國也

繒縣在沂州承縣古侯國禹後

驪山在雍州新豐縣南十六里

許田許州許昌縣南四十里有魯城周公廟在城中

初田在沂州費縣東南

故甘城在洛州河南縣西南二十五里

緱氏故城本費城也在洛州緱氏縣南東二十五里

滑伯國也

故汎城在許州襄城縣一里

故温城在懷州温縣西三十里漢晉為縣本周司寇

蕪忿生之邑

故王宮在鄭州滎澤縣西北十五里三宮城中

故麻城謂之蠻中在汝州梁縣界

故韓城一名宜陽城在洛州福昌縣東十四里即韓

宜陽縣城也

故雍氏城在洛州陽翟縣東北二十五里故老云黃

帝臣雍父作柞日所封也

高都故城一名郟都城在洛州伊闕縣北三十五里

離石縣今石州所理縣也

故華陽城在鄭州管城縣南四十里

故應城殷時應國在城父

陽城洛州縣也負黍亭在陽城縣西南十五里故周  
邑

汝州外古梁城即羆狐聚也陽人故城即陽人聚也

在汝州梁縣西四十里秦遷東周君也梁亦古梁城

也在汝州梁縣西南十五里新城今洛州伊闕縣也

故穀城在洛州河南縣西北十八里苑中河陰縣城

本漢平陰縣在洛州洛陽縣東北五十里並周本紀正義

崑崙山在肅州酒泉縣南八十里

大徐城在泗州徐城縣北三十里古徐國也

徐城在越州鄞縣東南入海二百里

趙城今晉州趙城縣是本魏縣地後改曰永安即造  
父之邑也

大邱故城一名槐里亦曰廢邱在雍州始平縣東南  
十里

秦州清水縣本名秦瀛姓邑

秦州上邽縣西南九十里漢隴西郡縣是也

故汧城在隴州汧源縣東南三里

漢書地理志卷上  
鄆縣故城在岐州鄆縣東北十五里

三時原在岐州雍縣南二十里

寶雞神在岐州陳倉縣東二十里故陳倉城中

大梓樹在岐州陳倉縣南十里倉山上

平陽故城在岐州岐山縣西四十六里秦寧公徙都  
之處

雍州三原縣有湯陵又有湯臺在始平縣西北八里

秦寧公墓在岐州陳倉縣西北三十七里秦陵山

下杜故城在雍州長安縣東南九里古杜伯國華州

鄭縣也

故虢城在岐州陳倉縣東四十里次西十餘里又有  
城亦名虢城

故耿城今名耿倉城在絳州龍門縣東南十二里故  
耿國也

岐州雍縣南七里故雍城秦德公大鄭宮城也

南芮鄉故城在同州朝邑縣南三十里又有北芮城  
皆古芮伯國

滑州故城古南燕國

洛州汜水縣古東虢國故鄭之制邑漢之成臯亦周穆王虎牢城

漢有五時在岐州雍縣南則鄜時吳陽上時下時密時北時秦文公夢黃蛇自天而下屬地其日止于鄜衍作時郊祭曰帝曰鄜時秦宣公作密時于渭南祭青帝秦靈公作吳陽上時祭黃帝作下時亦祠黃帝漢高帝曰天有五帝今四何也待我而具五遂立黑帝曰北時是也

同州韓城縣南二十二里少梁故城古少梁國

茅津及津城在陝州河北縣西二十里

絳州曲沃縣有曲沃故城土人以爲晉曲沃新城

葵丘在曹州考城縣東南一里一百五十步郭內卽桓公會處又青州臨淄縣有葵丘卽傳連稱管至父所戍處

韓原在同州韓城縣西南十八里

野人塢在岐州雍縣東北二十里

三穀山又名欽岑山在洛州永寧縣西北二十里卽古之穀道也

彭衙故城在同州白水縣東北六十里

王官故城在四州澄城縣西北九十里

南郊故城在縣北十七里又有北郊故城又有西郊

古城

蒲州猗氏縣南二里又有王官故城亦秦伯取者

秦穆公墓在岐州雍縣東南二里

三良冢在岐州雍縣一里故城內

令狐故城在蒲州猗氏縣界十五里

故武城一名武平城在華州鄭縣東北十三里

洛州陽翟縣古櫟邑也

同州東三十里朝邑縣東三十步故王城大荔近王

城邑

頻陽故城在雍州同官縣界古頻陽縣城也

寧慶二州春秋及戰國時爲義渠戎國之地

籍姑故地在同州韓城縣北三十五里

重泉故城在同州蒲城縣東南四十五里

櫟陽故城一名萬年城在雍州東北百二十里櫟陽

漢七年分櫟陽城內爲萬年縣隋文帝開皇三年遷

漢書地理志卷之九 卷之九 卷之九  
都于龍首川今京城也改萬年爲大興縣至唐武德  
元年又改曰萬年置在州東七里  
堯門山俗名石門在雍州三原縣西北三十三里上  
有路其狀若門故老云堯鑿山爲門因名之武德年  
中于此山南置石門縣貞觀年中改爲雲陽縣  
安邑故城在絳州夏縣東北十五里本夏之都  
咸陽故城亦名渭城在雍州咸陽縣東十五里京城  
北四十五里卽秦公徙都之者今咸陽縣古之杜郵  
白起死處

逢澤亦名逢池在汴州浚儀縣東南十四里

岸門在許州長社縣西北二十八里今名西武亭

汾陰故城俗名殷湯城在蒲州汾陰縣北九里

皮氏故城在絳州龍門縣西一百八十步卽古皮氏  
縣也

故應城因應山爲名古之應國在汝州魯山縣東三  
十里

焦城在陝州城內東北百步因焦水爲名周同姓所

封

寧原慶三州秦北地郡戰國及春秋時為義渠國之地周先公劉不窋居之古西戎也

曲沃在陝州縣西南三十里因曲沃水為名

中都故縣在汾州平遙縣西十二里即西都也西陽

即中陽也在汾州隰城縣東十里

秦悼武王陵在雍州咸陽縣西北十五里

上庸今房州竹邑縣及金州是也

蒲坂故城在蒲州河東縣南二里即堯舜所都也

許州襄城縣即古新城縣也

鹽故城一名司鹽城在蒲州安邑縣

穰鄧州所理縣即古穰侯國

武始故城在洛州武始縣西南十里

洛州伊闕縣本是漢新城縣隋文帝改為伊闕高紀正義

引此云取伊闕山為名也在洛州南七十里

伊闕楚世家正義引作伊闕山在洛州南十九里

故軹城在懷州濟源縣東南十三里故鄧城在懷州

河陽縣西三十一里並六國時魏邑也

濮州雷澤縣本漢邲陽縣項羽本紀正義引此云在州東九十一里管蔡正義



引作在東南  
九十一里  
古邲伯姬姓之國周武王封弟季載于邲其後遷于成之陽也

故偃城在襄州安養縣北三里古鄆子之國也

安城在豫州汝陽縣東南十七里

魏世家正義引作七十一里

光狼故城在今澤州高平縣西

巫郡在夔州東百里

故卷城在鄭州原武縣西北七里即衛雍也蔡陽今

豫州上蔡水之陽古城在豫州北七十里長社故城

在許州義社縣西一里皆魏邑也

故華城一作華陽城

在鄭州管城縣南三十里

一作四里

懷獲嘉縣即古之南陽

故剛城在兗州龔邱縣界壽鄆州之縣

芷陽在雍州藍田縣西六里

平臯故城本邢丘邑漢置平臯縣在懷州武德縣東

南二十里

故懷城周之懷邑在懷州武陟縣西十一里

臨汾故城在絳州正平縣東北二十五里即古臨汾

縣城也

寧新中七國時魏邑秦昭襄王拔魏寧新中更名安陽城即今相州外城是也項羽本紀正義引此云安陽縣相州所理縣七國時

魏寧新中邑秦昭王拔魏寧新中更名安陽

廣城故城在陝州河北縣東北五十里虞下之上亦

名吳山周武王封弟虞仲于周之北故夏墟吳城即

此城也

高都故城今澤州是汲故在衛州所理汲縣西南二

十五里

故郟城在懷州河內縣西三十二里

榆次并州縣即古榆次地也新城一名小平城在朔

州善陽縣西南四十七里狼孟故城在并州陽曲縣

東北二十六里

並秦本紀正義

酸棗故城在滑州酸棗縣北十五里古酸棗縣南

南燕城古燕國滑州胙城縣是也

姚虛在濮州雷澤縣東十三里孝經援神契云帝舜

生于姚墟即東郡也

長平故城在陳州宛邱縣西六十六里

安州恒陽縣西南四十里有白龍水又有挾龍山

定州唐縣東北五十四里有孤山蓋都山也

故垣城漢縣治本魏王垣也在絳州垣縣西北二十

里

蒲巴故城在隰州縣北四十五里在蒲水之北故言

蒲陽卽晉公子重耳所居邑也

斬年宮在岐州城西故城內十五里古邠秦隸南

咸陽故城亦名渭城在雍州北五里今咸陽縣東十

五里秦孝公已下並都此城始皇鑄金人十二于咸

陽卽此也

茅焦滄州人也

房陵卽今房州房陵縣古楚漢中郡地也是邑蜀之

境

平陽故城在相州臨漳縣西二十五里

戰國時屬韓後屬趙

宜安故城在常山橐城縣西南二十五里

雲陽城在雍州雲陽縣西八十里秦始皇甘泉宮在

焉

雍州新豐縣本周時驪戎邑

高驪治平壤城本漢樂浪郡王險城卽古朝鮮也

臨洮郡即今洮州亦古西羌之地在京西千五百五十一里羌中從臨洮西南芳州扶松府以西並古諸羌地也

雞頭山在成州上祿縣東北二十里在京西南九百六十里

回中宮在雍州西四十里

黃縣故城在萊州城東南二十五里古萊子國也

牟平縣城在黃縣南百三十里

之罘山在萊州文登縣東北百八十里成山在文登

縣西北百九十里 相如傳正義引此云之罘山在海中文登縣古腫縣也

密州諸城縣東南百七十里有琅耶臺越王勾踐觀臺也

琅邪山在密州諸城縣東南百四十八里始皇立層

臺于山上謂之琅邪臺孤立衆山之上秦王樂之留

三月立石山上頌秦德也

亶州在東海中秦始皇使徐福將童男女入海求仙人止在此洲其數萬家至今洲上人有至會稽市易

者

衡山一名岫嶠山在衡州湘潭縣西四十一里

黃陵廟在岳州湘陰縣北五十七里舜二妃之神二

妃冢在湘陰北一百六十里青草山上

故武關在商州商洛縣東九十里春秋時少習也

蘭池陂卽古之蘭池在咸陽縣界

秦阿房宮亦曰阿城在雍州長安縣西北一十四里

梁山宮俗名望宮山在雍州好畤縣西十二里北去

梁山九里秦始皇起從山上見丞相車騎衆弗善卽

此山也

上郡故城在綏州上縣東南五十里秦之上郡城也

屯留故城在潞州長子縣東北三十里漢屯留呵國

也

山陽故城在懷州修武縣西北太行山東南

平舒故城在華州華陰縣西北六里

瀉水源出雍州長安縣西北瀉池

九疑山在永州唐興縣東南一百里

丹陽郡故在潤州江寧縣東南五里秦兼並天下以

爲鄣郡

沙邱臺在邢州平鄉縣東北二十里

一作四十里

秦始皇陵在雍州新豐縣西南十里

戲水源出雍州新豐縣西南驪山

曹陽故亭一名好陽亭在陝州桃林縣東南十四里

卽章邯殺周文處

城父亳州所理縣

邢州平鄉縣城本鉅鹿王離圍趙王歇卽此城

大夏今并州晉陽及汾絳等州是昔高辛氏子實沈

居之西近河

秦望夷宮在雍州咸陽縣東南八里

秦惠文王陵在雍州咸陽縣西北一十四里

秦悼武王陵在雍州咸陽縣西十里俗名周武王陵

非也

秦莊襄王陵在雍州新豐縣西南三十五里俗亦謂

爲子楚始皇陵在北故亦謂爲見子陵

秦故胡亥陵在雍州萬年縣南三十四里上文葬以

黔首也

安平城在青州臨淄縣東十九里古紀之鄒邑

邾城在青州臨朐縣東三十里鄆城在北海縣東北

七十里鄆城在密州安邱縣界並秦始皇本紀正義

相故城在泗州宣預縣西北七十里秦縣

今陳州項城縣城即古項子國

東陽故城在楚州盱眙縣東七十里秦東陽縣城也

在淮水南

徐州彭城縣古相國也

故薛城古薛侯國也在徐州滕國縣界黃帝之所封

濁漳水又東經葛公亭北經三戶峽為三戶津在相

州澄陽縣界

亢父故城在兗州任城縣南五十一里

東阿故城在濟州東阿縣西南二十五里漢東阿縣

城秦時齊之阿也

濮陽縣在濮州西八十六里濮縣也古吳之國

故周城即外黃之地在雍邱縣東

宋州碭山縣本漢碭縣也在宋州東北五十里

濁漳水一名漳水今俗名柳河在邢州平鄉縣南

寧州羅川縣在州東南七十里漢陽周縣

汙水源出懷州河內縣北太行山

新安故城在洛州澠池縣東一十三里漢新安縣城也卽坑秦卒處

函谷關在陝州桃林縣西南十二里秦函谷關也

南鄭南梁州所理縣也

延州州城卽漢高奴縣

邢州城本漢襄國縣秦置三十六郡于此置信都縣

屬鉅鹿郡項羽改曰襄國立張耳爲常山王理信都

故六城在壽州安豐縣南三十二里本六國偃姓皐

繇之後所封也黥布亦皐繇之後居六國

故邾城在黃州黃岡縣東南二十里本春秋時邾國

邾子曹姓挾居至魯隱公徙

卽墨故城在萊州膠水縣南六十里古齊國本漢舊

縣

青州臨菑縣卽古臨菑地也一名齊城古營邱之地

所封齊之都也少昊時有爽鳩氏虞夏時有季崩殷

時有逢伯陵殷末有薄姑氏爲諸侯國此地後太公

封方五百里



漢書地理志卷上 三  
故南皮城在滄州南皮縣北四里本漢皮縣城卽陳餘所封也

胡陵徐州魯兗州曲阜縣也

徐州蕭縣古蕭叔之國春秋時爲宋附庸

靈壁故城在徐州符離縣西北九十里睢水首受浚儀縣蕘蕩水東經取慮入泗過郡西行千二百六十里

京縣城在鄭州滎陽縣東南二十里鄭之京邑

敖倉在鄭州滎陽縣西十五里縣門之東北臨汴水

南帶三皇山秦時置倉于敖山名敖倉云

和州歷陽縣本漢舊縣也

髑髏山在廬州巢縣東北五里昔范增居此山之陽後佐項羽

成臯故縣在洛州汜水縣西南二里

東廣武西廣武在鄭州滎陽縣西二十里

東廣武城有高壇卽是項羽坐太公俎上者今各項羽堆亦呼爲太公亭

陳留汴州縣也在州東五十里本漢陳留郡及陳留

漢魏遺書鈔卷上  
縣之地

宋州外城本漢睢陽縣也

汜水源出洛州汜水縣東南三十二里方山

陳州太康縣本漢陽夏縣也

固陵縣名也在陳州宛邱縣西北四十二里

穀城故在濟州東阿縣東二十六里

舒今廬江則故舒城是也

虞姬墓在濠州定遠縣東六十里長老傳云項羽美人冢也

陰陵縣故城在濠州定遠縣西北六十里

東城縣故城在濠州定遠縣東南五十里

九頭山在滁州金椒縣西北九十六里

烏江亭卽和州烏江縣是也晉初爲縣

杜衍侯故城在鄧州南陽縣西八里

吳房縣本漢舊縣

涅陽故地城在鄧州穰縣東北六十里本漢舊縣也

項羽墓在濟州東阿縣東二十七里穀城西三里

平臯故城在懷州武德縣東二十里漢平臯縣

楚州山陽本漢射陽縣

桃故城在滑州胙城縣東四十里

並項羽本紀正義

小黃故城在汴州陳留縣東北三十三里

泗水亭在徐州沛縣東一百步有高祖廟

斬蛇溝源出徐州豐縣中平地故老云高祖斬蛇處

至縣西五十里入泡水

沂州臨沂縣有漢戚縣故城

二人留城在徐州沛縣東南五十里卽張良所封處

故相地在徐州符離縣西北九十里

昌邑在曹州成武縣東北三十二里有梁邱故城是也

白馬故城在滑州衛南縣西南二十四里

南陽縣地城在宛大城之南隅其西南有二面皆故

宛城

故丹城在鄧州內鄉縣西南百三十里南去丹水二

百步

軹道在雍州萬年縣東北十六里苑中

杜陵故城在雍州萬年縣東南十五里漢杜陵縣宣

帝陵邑也北去宣帝陵五里

王陵故城在商州上洛縣南三十一里

高祖卽位壇在曹州濟陰縣界

潭州長沙縣本漢臨湘縣長沙吳芮都之芮墓在長

沙縣北四里

南宮在雒州雒陽縣東北二十六里雒陽故城中

朔州城漢鴈門卽馬邑縣城也

朔州定襄縣本漢平城縣縣東北三十里有白登山

山上有臺名曰白登臺

未央宮在雍州長安縣西北十里長安故城中

柏人故城在邢州柏人縣西北十二里漢柏人屬趙

國

郃陽故城在同州河西縣三里魏文侯十七年攻秦

至鄭而還築在郃水之陽

秦櫟陽故宮在雍州櫟陽縣北三十五里秦獻公所

造

新豐故城在雍州新豐縣西南四里漢新豐宮也太

上皇時悽愴不樂高祖切因左右問故答以平生所

好皆屠販少年酤酒賣雞蹴鞠以此為歡今皆無此  
 故不樂高祖乃作新豐徙諸故人實之太上皇乃悅  
 故聊城在博州聊城縣西二十里春秋時齊之西界  
 聊攝也戰國時亦為齊地秦漢皆為東郡之聊城也  
 沛宮故地在徐州沛縣東南二十里一步  
 當城在朔州定襄縣界

辟陽故城在冀州信都縣西三十五里漢舊縣

漢太上皇廟在雍州長安縣西北長安故城中酒池  
 之北高帝廟北高帝廟亦在故城中也

長陵在雍州咸陽縣東三十里 並高帝本紀正義

兗州博城本漢博城縣城

朱虛故城在青州臨朐縣東六十里

徐州沛縣古城也

扶柳故城在冀州信都縣西三十里澤中多柳故曰  
 扶柳

常山故城在恒州真定縣南八里本漢東垣邑也

故軹城在懷州新鄉縣東南十三里七國時魏邑

故餘城在德州平原縣西南三十里本漢節縣呂他

邑也

故呂城在鄧州南陽縣西三十里呂尙先祖封並呂后紀

正義



魏王泰括地志卷下

丹陽賀維錦顯雲參

金谿王 謨仁甫輯

中都故城在汾州平遙縣西南十二里秦屬太原郡

高陵故城在雍州高陵縣西南一里本名橫橋架渭

水上

陽信故城在滄州無棣縣東南三十里

壯武故城在萊州卽墨縣西六十里古萊夷國

周陽故城在絳州聞喜縣東三十九里

漢樊縣城在兗州瑕丘縣西南二十五里

并州祁縣城晉大夫祁奚之邑

嚴道今為縣即卬州所理縣也縣有蠻夷曰道故曰嚴道

卬都縣本都國漢為縣今雋州也

卬夔山在雅州榮經縣界榮經武德年間置本秦嚴

地並孝文帝本紀正義

濟南故城在淄州長山縣西北三十里

劇萬州縣也故劇城在青州壽光縣南三十一里故

### 紀國

陽陵漢景帝陵也在雍州咸陽縣東三十里

建陵故縣在沂州承縣界

平曲縣故城在瀛州文安縣北七十里

並孝景帝本紀正義

師州黎州在京西南五千六百七十里

汝水源出汝州魯山縣西伏牛山亦名猛山至豫州

鄆城縣名瀆水

方城房州竹山縣東南四十一里其山頂上平四面

峻峻山南有城長十餘里名為方山即此山也

鄆故城在襄州安養縣北三里古鄆子之國鄆之南  
鄙也又率道縣南九里有故鄆城漢惠帝改曰宜城  
鄆城荊州江陵縣東北六里即吳公子光伐楚楚平  
王恐城鄆者也又楚武王始都鄆絕南故城是也在

江陵北十五里並禮書正義

濮上在曹州離狐縣界即師延投處也樂書正義

漢武帝置十三州改梁州為益州廣漢廣漢今益州

咎縣是也分今河內上黨雲中天官書正義

泰山一曰岱宗東岳也在兗州博城縣西北三十里

華山在華州華陰縣南八里古文以為敦物

恒山在定州恒陽縣西北百四十里

嵩山亦名曰大室亦名曰外方在洛州陽城縣西北

二十三里

郡縣故城在岐州郡縣東北十五里

陳倉山在今岐州陳倉縣之南

梁父山在兗州泗水縣北八十里正義

云云山在兗州博城縣西南三十里

亭亭山在兗州博城縣西南三十里按漢書注云云山在蒙陽故城



東北亭亭山在鉅平北十餘里不在博城西南三十里此疑有誤

會稽山一名衡山在越州會稽縣東南一十二里

召陵故城在豫州郟城縣東四十五里

大河祠在同州朝邑縣南三十里

湫淵祠在原州平高縣東南二十里湫谷水源出寧

州安定縣

江瀆祠在益州成都縣南八里秦并天下江水祠蜀

灞水古滋水也亦名藍谷水即秦嶺水在下流雍州

藍田縣澹水即荆海猶柳之下流在雍州萬年縣

澧水源在雍州長安縣西南山澧谷

汧水源出隴州汧源縣西南汧山東入渭

洛水出慶州洛源縣白於山南流入渭

洛水商州洛南縣西冢嶺山東北流入河

鳴澤在幽州范陽縣西十五里

杜祠雍州長安縣西南二十五里

渭陽五帝廟在雍州咸陽縣東三十里

渭北咸陽縣有蘭池始皇逢盜蘭池者也

長安門故亭在雍州萬年縣東九苑中後館陶公主

長門園武帝以長門宮卽此東次於中

柏寢臺在青州千乘縣東北二十一里

壽宮北宮皆在雍州長安縣西北三十里長安故城

中

鼎湖水原出虢州湖城縣城三十五里夷父山北流

入河卽鼎湖也

漢雲陽宮在雍州雲陽縣北八十里有通天臺卽黃

帝以來祭天圓邱之處武帝以五月避暑八月乃還

也

建章宮在雍州長安縣西二十里長安故城西

虎園在長安城中西徧也

並封禪書正義

大江一名汶江一名管橋水一名清江亦名水注西

南自溫江縣流來郫江一名成都江一名市橋江亦

名中日江亦曰內江西北自新繁縣界流來二江並

在益州成都縣界

漳水一名濁漳水源出潞州長子縣西力黃山

中山一名仲山在雍州雲陽縣西十五里

焦穫藪亦名瓠在涇陽北城外

金隄一名千里隄在白縣東五里

鄆州鉅野縣東北大澤

汾水源出嵐州靜樂縣北百三十里管涔山北東南

流入并州卽西南流入絳州蒲州入河也

皮氏故城在絳州龍門縣西北三十步自秦漢魏晉

皮氏縣皆治也

汾陰故城俗名殷湯城在蒲汾陰縣北九里漢汾陰

縣是也

衰谷在梁州衰城縣北五十里斜水源出衰城縣西

北九十八里衙嶺山與衰水同源而派流

鳳州兩當縣本漢故道縣也在州之西五十里

同州本臨晉城也一名大荔城亦曰馮翊城

重泉故城在同州蒲城縣東南四十五里在同州西

北亦四十五里

伏龍祠在同州馮翊縣西北四十里故老云漢時自

微穿渠引洛得龍骨其後立祠因以伏龍為名今祠

頗有靈驗

萬里沙在華州按縣東北二十里

並河渠書正義

金隄一名千里隄在白縣東五里

鄆州鉅野縣東北大澤

汾水源出嵐州靜樂縣北百三十里管涔山北東南

流入并州卽西南流入絳州蒲州入河也

皮氏故城在絳州龍門縣西北三十步自秦漢魏晉

皮氏縣皆治也

汾陰故城俗名殷湯城在蒲汾陰縣北九里漢汾陰

縣是也

褒谷在梁州褒城縣北五十里斜水源出褒城縣西

北九十八里衙嶺山與褒水同源而派流

鳳州兩當縣本漢故道縣也在州之西五十里

同州本臨晉城也一名大荔城亦曰馮翊城

重泉故城在同州蒲城縣東南四十五里在同州西

北亦四十五里

伏龍祠在同州馮翊縣西北四十里故老云漢時自

徵穿渠引洛得龍骨其後立祠因以伏龍為名今祠

頗有靈驗

萬里沙在華州按縣東北二十里

並河渠  
書正義

夏州秦上郡漢分置朔方郡魏不改隋置夏州平準書正義

徐君廟在泗州徐城縣西南一里卽延陵季子掛劍之徐君也

豫州吳房縣在州西北九十里並吳世家正義

天齊池在青州臨淄縣東南十五里

茲泉水源出岐州岐山縣西南凡谷

營邱在青州臨淄北白步外城中

管仲冢在青州臨淄縣南二十一里牛山上與桓公

冢連隰朋墓在青州臨淄縣東北七里

齊桓公墓在臨淄縣南二十一里牛山上亦名鼎足

山一名牛首峒一所二墳晉永嘉末人發之初得版

次得水銀池有氣不得入經數日乃牽犬入中得金

蠶數十薄珠襦玉匣繒綵軍器不可勝數又以人殉

葬骸骨狼藉也

鍾離故城在沂州承縣界並齊世家正義

周公墓在雍州咸陽北十三里畢原上

兗州曲阜縣外城卽魯公伯禽所築也

鍾離國故城在濠州鍾離縣東五里並魯世家正義

邵伯廟在洛州壽安縣西北五里邵伯聽訟甘棠之

下周人思之不伐其樹後人懷其德因立廟有棠在

九曲城東阜上

燕留故城在滄州長盧縣東北十七里即齊桓公分

洧割燕君所至地與燕因築此城故名燕留並燕世家正義

故鶴城在滑州匡城縣西南十五里左傳云衛懿公

好鶴有乘軒者狄伐衛公欲戰國人受甲者皆曰使

鶴鶴實有祿位余焉能戰俗傳衛懿公養鶴于此城

因名也

城武縣有楚邱亭並衛世家正義

故唐城在絳州翼城縣西二十里即堯裔子所封

故鄂城在慈州昌寧縣東二里

故唐城在并州晉陽縣北二里並晉世家正義

濮陽縣古昆吾國也昆吾故城在縣西三十里臺在

縣西百步即昆吾墟也

彭城古彭祖國也

故郟城在鄭州新鄭縣東北二十二里

歸州巴東縣東南四里歸故楚子熊繹之始國也  
熊繹墓在歸州秭歸縣

房州竹山縣本漢上庸縣古之庸國昔周武王伐紂  
庸蠻在焉

鄧州向城縣南二十里西鄂故城是楚西鄂

武昌縣鄂王舊都今鄂王神即熊渠子之神也

隨州外城古隨國地上蔡縣東北五十里是也

紀南故城在荊州江陵縣五十里至平王更城郢在

江陵縣東北六里故郢城是也

故申城在鄧州南陽縣北三十里

徑山在鄭州西南一百一十里即此山也

又云在鄭州新鄭縣

西南三十里

黃國故城漢弋陽縣也秦時黃都嬴姓在光州定城

縣四十里

不羹故城在許州襄城縣東三十里

故鄧城在豫州鄆城縣東三十五里

故鄆城在襄州安養縣北三里在襄州北五里南去

荊州二百五十里

鄆水源出襄州義青縣西界託伏山

城父故城在許州葉縣東北四十五里卽杜預云襄

城城父縣也汝州襄城縣東四十里亦有父城故城

一所

安州安陸縣城本春秋時鄖國城也

隨州城外古隨國城隨姬姓也

楚昭王城在隨州縣北七里左傳云吳師入鄖王奔

隨隨人處之公宮之北卽此城是也

上唐鄉故城在隨州棗陽縣東南百五十里古之唐

國也

饒州鄱陽縣春秋時爲楚東境秦爲番縣屬九江郡

漢爲鄱陽縣

楚昭王故城在襄州樂鄉縣東北三十二里在故都

城東五里卽楚國故昭王徙都都城也

故胡城在豫州鄆城縣界

白亭在豫州襄信東南三十二里襄信本漢鄆國之

地後漢分鄆置襄信縣在今襄信縣東七十七里

密州莒縣故國也



汝州魯山本漢晉陽縣也古魯縣以古魯山為名也  
鄧州內鄉縣城楚析邑一名丑漢置析之因析水  
為名也

長城西北起濟州平陰縣緣河歷太山北岡上經濟  
州淄州即西南兗州博城縣北東至密州瑯琊臺入

海

涓邛邛名也在青州臨淄縣西北二十五里

故鄭城在陝州河北縣東十里虞邑也

西陵故城在黃州黃山西二里

夷陵今陝州夷陵縣是也在荊州西

並楚世家正義

商洛縣則古商國城也

故酈城在鄧州新城縣西三十里

故長城在鄧州內鄉縣東七十五里南入穰縣北連

翼望山無土之處累石為楚固襄王控霸南土爭強

中國多築列城于北方以適華夏號為方城

曲沃故城在陝縣西三十二里

於中在鄧州內鄉縣東七里

陶山在濟州平陰縣東三十五里山南五里有陶公

家並越世

家正義平 滎東三十五里山前正

潁水源出洛州嵩高縣東南三十里陽乾山今俗名潁山泉源出山之東谷其側有古人居處俗名爲潁墟故老云是潁考之故居卽酈元注水經所謂潁谷也

洧水在鄭州新鄭縣北三里古新鄭城南

子產墓在新鄭縣西南三十五里

鐵州在滑州衛南縣東南十五里

負黍亭在洛州陽城縣西南三十五里故國邑也並鄭

世家正義

原平故城漢原平縣也在代州崞縣南三十五里

故原城在懷州濟原縣西北二里

故戚城在相州澶水縣東二十里

夏屋山一名賈屋山今名賈母山在代州鴈門縣東

北三十五里夏屋與勾注山相接蓋北方之嶮亦天

下之阻路所以分別內外也六十里古西

摩笄山一名磨笄山亦名爲山在蔚州飛狐縣東北

百五十里

王澤山在絳州正平縣南七里

三神祠今名原過祠在霍山側

崆峒山在蕭州福祿縣東南六十里古西戎地又原

州平高縣西百里亦有崆峒山即黃帝問廣成子道

道

番吾故城在恒州房山縣東二十里

故黃城在魏州冠氏縣南十里因黃溝爲名

中山故城一名中人亭在定州唐縣東北四十一里

春秋時鮮虞國之中人邑也

濁水源出蒲州解縣東北平地

趙侵齊至長城所侵處在密州南三十里

史記周顯二年西周惠公封少子子班于鞏爲東周

其子武公爲秦所滅

滄水縣在絳州翼城縣東南二十五里

故葛城一名依城又名西阿城在瀛州高陽縣西北

五十里以徐兗二水並過其西又徂經其北曲曰阿

以齊有東阿故曰西阿城

檀臺在洛州臨洛縣北二里

故桂城在曹州乘縣東北二十一里故老云此即桂陵也首東則始曰西則始

屯留故城在潞州長子縣東北三十里本漢屯留縣城在潞一谷於潞又谷西則始有潞州西則始

大陵城在并州文水縣北十三里漢大陵縣城

觀澤故城在魏州頓邱縣東十八里

野臺一名義臺在定州樂縣西南六十三里在東則

上曲陽故城在定州曲陽縣西五里十里

北岳有五別名一曰蘭臺府二曰列女宮三曰華陽

臺四曰紫臺五曰太一宮在定州北十二里

石邑故城在恒州鹿泉縣南三十五里六國時舊邑

封龍山一曰飛龍山在恒州鹿泉縣南四十五里邑

因山為名

東安陽故城在朔州定襄縣界在朔州西五十五里

趙武靈王墓在蔚州靈邱縣東三十里

行唐縣屬冀州為南行唐築城在行唐西四十里

梗陽故城在并州清源縣南百二十步分晉陽縣置

本漢榆次縣地春秋晉大夫祁氏邑也

中陽故城在汾州郇城縣南十里漢中陽縣也

高平故城在懷州河陽縣西四十里

勾注山一名西陘山在代州鴈門西北四十里

昔陽故城一名陽城在并州樂平縣東

伯陽故城一名郟會城在相州鄴縣西五十五里七

國時魏邑漢郟會城

石城在相州林慮縣西南九十里

東陽故城在貝州歷亭縣界

武平亭今名渭城在瀛州文安縣北七十二里

故昌城在淄州淄川縣東北四十里

平邑故城在魏州昌樂縣東北四十里

閼與聚洛今名烏蘓城在潞州銅鞮縣西北二十里

馬服山邯鄲縣西北十里

注城在汝州梁縣西十五里

長平故城在澤州高平縣西三十一里卽白起敗括

于長平處

武垣故城今瀛州城是也又曰武垣

靈邱蔚州理縣也

昌城故城在冀州信都縣西北五里

北新城故城在易州遂南城縣西南二十里

易州永昌縣有徐水出廣昌嶺三源竒發同瀉一澗

流至北平縣東南歷石門中俗謂之龍門水經其間

奔激南出解石城井

臨鄉故城在幽州同安六十七里

故葛城又名西河城在瀛州高陽縣西北五十里

故平舒城在蔚州靈邱縣北九十三里

繁陽故城在相州內黃縣東北二十七里

易州遂城戰國時武遂城也

方城故在幽州固安縣南十七里

宜安故城在恒州藁城縣西南二十里

肥纍故城在恒州藁城縣西七里春秋時肥子國白

狄別種

蒲吾城在恒州房山縣東二十里

趙王遷墓在房州房陵縣西九里並趙世家正義

畢原在雍州萬年縣西南二十八里

故智城在蒲州虞鄉縣西北四十里

雒陰在同州西

陽狐郭在魏州元城縣東北三十里

號山在陝州陝縣西二里臨黃河今臨河有岡阜似

是頽山之餘也

汪城在汝州梁縣西十五里

故武城一名武之平城在華州鄭縣東十三里

桑邱故城俗名敬城在易州遂城縣界

澮高山又云澮山在絳州易城縣東北二十五里澮

水出此山

宅陽故城一名北宅在鄭州滎陽縣東南十七里

桐陽縣漢舊縣也在銀州銀城縣界

故圉城有南北二城在汴州雍邱縣界本屬外黃即

太子申見徐子之地也

雕陰故縣在鄜州洛交縣北三十里

故焦城在陝縣東北百步古號城中東北隅周同姓

也

曲沃有城在陝縣西南三十二里

觀津城在冀州棗陽縣東南二十五里

晉陽故城今名晉城在蒲州虞鄉縣西三十五里  
曲陽故城在懷州濟源縣西十里

安城故城在豫州汝陵縣東南七十一里

晉水源出并州晉陽縣西懸壅山中東流謂風同哉

絳水一名白水今名沸泉源出絳山飛泉奮湧揚波

注縣積壑二十許丈望之極為奇觀矣

石城山在申州鍾山縣東南二十一里魏攻冥阨即

此山上有石故城

攢茅在懷州獲嘉縣東北二十五里獲嘉古修武也

延津故俗字名臨津故城在衛州清淇縣西南二十  
六里

垣雍故城在鄭州原武縣西北七里

廡陵故城在許州廡陵縣西北十五里六國時為安

陵也

葉陽今許州葉縣也昆陽故城在許州葉縣北二十

五里舞陽故城在葉縣東十里

南國周時為許國武王伐紂所封

宛陵故城在鄭州新鄭縣東北三十八里本鄭舊縣



也

圃田澤在鄭州管城縣東三里

文臺在曹州冤句縣西北六十五里

故安城在鄭州原武縣東南二十里

魏德故城一名晉鄙城在衛縣西北五十里即公子

無忌矯奪晉鄙兵故名魏德城也並魏世家正義

韓原在同州韓地縣西南八里韓城在縣南十八里

故古韓國也

故鞍城今俗名馬鞍城在濟州平陰縣十里

懷州武德縣本周司寇蕪忿生之州邑也

故韓城一名宜陽城在洛州福昌縣東十四里韓宜

陽城也

方城山在許州葉縣西南十八里並韓世家正義

故黃城在魏州冠氏縣南十里陽狐郭在魏州元城

縣東北三十二里

故魯城在許昌縣南四十里本魯朝宿邑

長葛故城在許州長葛縣北十三里鄭之葛邑也

故郟城在兗州泗水縣西北五十里

故貫城卽古貫國故貫今名蒙澤城在曹州濟陰縣南五十六里

魯陽關故城在兗州博城縣南二十九里西臨汶水故梁在汝州西南二百步

博望故城在鄧州向城縣東南四十五里

齊城章華之東有閭門武鹿門

新城故城在宋州宋城縣界

陽晉故城在曹州乘氏縣西北三十七里

並田齊世家正義

故鄒城在兗州泗水縣東南六十里

昌平山在泗水縣南六十里孔子生昌平鄉蓋鄉取山為名

故闕里在泗水縣南五十里

兗州曲阜縣魯城西南三里有闕里中有孔子宅宅中有廟

叔梁紇厲亦名尼邱山祠在兗州泗水縣五十里尼

邱山東趾

女陵山在曲阜縣南二十八里

防山在兗州曲阜縣東二十五里

五父衢在兗州曲阜縣西南二里魯城內衢道也  
鬪雞臺二所相去十五步在兗州曲阜縣東南三里  
魯城中

焦僥在大秦國北也

邱亭在鄆州宿城縣東三十二里

姑蔑故城在兗州泗水縣東四十五里

故蒲城在滑州匡城縣北十五里匡城本漢長垣縣

黃城山俗名菜山在許州葉縣西南二十五里

郎亭在徐州滕縣西五十三里

獲麟堆在鄆州鉅野縣東十二里

漢封夫子十二代孫忠爲褒成侯生光爲丞相封侯

平帝封孔霸孫莽二千戶爲褒成侯後漢封十七代

孫志爲褒成侯魏封二十二代孫羨爲崇聖侯晉封

二十三代孫震爲奉聖亭侯魏後封二十七代孫爲

崇聖大夫孝文帝又封三十一代孫珍爲崇聖侯高

齊改封珍爲恭聖侯周武帝改封鄒國公隋文帝仍

舊封鄒國公煬帝改爲紹聖侯皇唐給復二千戶封

孔子裔孫孔德倫爲褒聖侯

並孔子世家正義

陳州大康縣本漢陽夏縣也

漁陽故城在檀州密雲縣十八里在漁水之陽

東城故城在濠州定遠縣東南五十里

曹陽故亭亦名好陽亭在陝州桃林縣東南十四里

宋州寧陵縣城古密陵城

新陽故城在豫州真陽縣西南四十三里漢新陽縣

城並陳涉世家正義

北宮在雍州長安縣西北十三里與桂宮相近在長

安故城中

檝山在越州會稽縣西北三里一名稷山

南陵故城在雍州萬年縣東南二十四里漢南陵縣

本薄太后陵邑陵在東北去縣六里

竇少君墓在冀州武邑縣東南二十七里

滄州魯城縣即漢章武縣

武安故城在洛州武安縣西南七里六國時趙邑漢

武安縣城也

周陽故城在絳州聞喜縣東二十九里

陽陵在雍州咸陽縣東四十里

渭橋本名橫橋架渭水上在淮州咸陽縣東南二十

二里如故在魏州頓邱縣北六十里

陰安故城在魏州頓邱縣北六十里

發干故城在博州堂邑縣西南二十三里

宜春故城在豫州汝陽縣西六十七里

鈞弋宮在長安城中門名堯母門一里

雲陽宮秦之甘泉宮在雍州雲陽西北八十里秦始

皇作甘泉宮去長安三百里黃帝以來祭圓邱處也

雲陽陵漢鈞弋夫人陵也在雲陽縣西北五十八里

孝武帝鈞弋趙婕妤昭帝之母齊人姓趙少好清靜

六年卧病右手捲飲食少望氣者云東北有貴人推

而得之召到姿色甚佳武帝持其手伸之得玉鈎後

生昭帝武帝末年殺夫人殯之而尸香一日昭帝更

葬之棺但在絲履也並外戚世家正義

羹頡山媯州懷戎縣東南十五里

大棘故城在宋州寧陵縣西七十里州卽梁棘壁並楚

元王世家正義 黎陽一名白馬津在滑州白馬縣北三十里

黎陽一名白馬津在滑州白馬縣北三十里

一名在涿州宛邱縣西北四十二里

富陵故城在楚州盱眙縣東北六十里

營陵故城在青州北為義南三十里並荆燕世家正義

西苑故城在淄州長川縣北四里

昌平故城在幽州東南六十里並齊悼惠王世家正義

澤州安平縣本漢安平縣

蕭何墓在雍州咸陽縣東北三十七里並蕭相國世家正義

狐父亭在宋州碭山縣東南三十里

故邠城在宋州下邑縣東北四十九里漢邠城縣也

亢父故城在兗州任城縣南五十一里

陽武故城在鄭州陽武縣東北十八里漢陽武縣城

也漢書地理志

轅轅故關在洛州緱氏縣東南四十里

平陰故津在洛州洛陽縣東北五十里

尸鄉亭在洛州偃師縣在洛州東南

藍田關在雍州藍田縣東南九十里即秦曉關也

成州同谷縣本漢下辯道東武三十一里

鳳州兩當縣本漢故道縣在州西五十里

好時城在雍州好時縣東南十三里

武疆故城在鄭州管城縣東北三十一里

張陽故城一名東張城在蒲州虞鄉縣西北四十里

上曲陽定城恒陽縣是下曲陽在定州鼓城縣西五

里

武垣縣今瀛州城是

平原故城在德州平原縣東南十里

故鬲城在德州安德縣西北十五里

盧縣今濟州理縣是也

徐州扶籬縣城漢竹邑城也並曹相國世家正義

故留城在徐州沛縣東南五十五里今城內有張良

廟

城父在汝州邙縣東三十里韓里也

穢貊在高麗南新羅北東至大海西

穀城山一名黃山在濟州東阿縣東濟州故濟北郡

褒谷在梁州褒城縣北五十里南中山昔秦欲伐蜀

路無由入乃刻石為牛五頭置金于後偽言此牛能

屎金以遺蜀蜀侯貪信之乃令五丁共引牛塹山堙

谷致之城都秦遂尋道伐之因號曰石牛道蜀賦以石門在漢中之西褒中之北是

斜水源出褒城縣西北衙嶺山與褒水同源而流派

雍齒城在益州什邡縣南四十步漢什邡縣漢初封

雍齒為侯國

漢張良墓在徐州沛縣東六十五里與留城相近

侯世家正義

東昏故城在汴州陳留縣東北九十里

東緡故城漢縣也在兗州金鄉縣界

陳平世家正義

栗縣屬沛郡

懷德故城在同州朝邑縣西南四十三里

頻陽故城在宜州上門縣南三里今上門縣併入同

官縣屬雍州宜州廢也

西縣故城在秦州上邽縣西南九十里本漢西縣地

頽陰故城在陳州南頓縣西北

鍾離故城在濠州鍾頽縣東北五里

易縣故城在幽州歸義東南十五里燕桓侯所徙都

臨易是也



絳邑城漢絳縣在絳州曲沃縣南二里或以為秦之舊馳道也

後人故城在代州繁峙縣界漢後人縣也

武泉故城在朔州北二百二十里

銅鞮故城在潞州銅鞮縣東十五里州西六十五里

在并州東南

樓煩在并州崞縣界

雲中故城在勝州榆林縣東北四十里秦雲中郡

靈邱故城在蔚州靈邱縣東十里漢縣也

幽州昌平縣本漢渾都縣縣南二十五里噴泉秦王

媯州懷戎縣東北有馬蘭溪水

上谷郡故城在媯州懷戎縣東北百二十里燕上谷

秦因不改漢為阻陽縣

故蓀城俗名南條城在德州蓀縣南十二里漢縣

棘門在渭北十餘里秦玉門名也本漢之棘門

細柳倉在雍州咸陽縣西南二十里

丹徒故城在潤州丹徒縣東南十八里漢丹徒縣也

並周勃世家正義

中都故城在汾州平通縣西十二里

并州太原地名大明城即古晉陽城智伯與韓魏攻

趙襄子于晉陽即此城是也

宋州宋城縣在州南二里外城中本漢之睢陽縣也

漢文帝封子武于大梁以其身濕徙睢陽故改曰梁

池因不池為魚池則梁

清陽故城在貝州清縣西北八里百二十里燕土谷

苑園在宋州宋城縣東南十里

良山漢書作良山在鄴州壽張縣南三十五里即梁孝王

獵處也

漢霸昌廐在雍州萬年縣東北三十八里並梁孝王世家正義

朝陽故城在鄧州穰縣南八十里

南利故城在豫州上蔡縣東八十五里

高密故城在密州高密縣西南四十里

廣陽故城今在幽州良鄉縣東北三十七里並三王世家正義

義

盜跖冢在陝州河北縣西二十里河北縣本漢大陽

縣也伯夷列傳正義

齊晏嬰冢在齊子城北門外管晏列傳正義

苦縣在亳州谷陽縣界有老子宅及廟廟中有九井

尚存在今亳州真源縣

散關在岐州陳倉縣東南五十二里

函谷關在陝州桃林縣西南十二里

漆園故城在曹州冤句縣北十七里

京縣故城縣東南二十里鄭之京邑也

胡城在豫州鄆城縣界並老莊申韓列傳正義

艾山在兗州博城縣南百六十里本齊博邑

故鄆城史記作鄆在豫州鄆城縣南五里與裒信白亭相

近

白亭在豫州裒南四十二里又有白公故城又許州

扶溝縣北四十五里有白亭也並伍子胥列傳正義

武城在兗州卽南城也

竭泉山一名隱泉山在汾州堰城縣北

延津在滑州靈昌縣東九里二十里

淳于國在審州安邱縣東三十里古之州國周武王

封淳于國

東武縣今密州諸城縣是也

鄧州宿縣二十三里邱亭並仲尼弟子列傳正義

蒲吾故城在鎮州旁山縣東二十里

漳水在潞州

虛頓邱二國地時屬魏並藉秦列傳正義

苴侯都葭萌今利州益昌縣五十里葭萌故城是

蜀侯都益州巴子城在合州石饒縣南五里故墊江縣也

巴子都江州在都之北又峽州界也

溫泉水即尋源出洛州鞏縣西南四十里並張儀列傳正義

并州孟縣外城俗名原仇山亦名仇猶夷狄之國也

下蔡縣屬汝南並樛甘列傳正義

宅陽故城在鄭州滎陽縣西南十七里穰侯列傳正義

洛州嵩縣本夏之綸國也在緱氏東南六十里

趙鄆故城一名都尉城今名趙東城在澤州高平縣

西二十五里又有故穀城十二里

汝州郟城縣東四十里有父城故城即服虔云城父

楚北境者也又許州葉縣東北四十五里亦有父城

故城卽杜預云襄城城父縣者也並白起王翦列傳正義

西平縣豫州西北百四十里有龍淵水孟子列傳正義

孟嘗君墓在徐州滕縣五十二里孟嘗君列傳正義

三亭岡在汴州尉氏縣西南三十七里尉氏縣志

甘泉山一名鼓源俗名磨石嶺在雍州雲陽縣西北

九十里新五

南韓王故城在懷州河陽縣西北四十里俗謂之韓

王城並范雎列傳正義

燕元英磨室磨一作磨三宮皆燕宮在幽州薊縣西四里

寧臺之下樂毅列傳正義

關與山在洛州武安縣西南五十里趙奢拒秦軍在

此山趙奢列傳正義

戟里城在臨淄西北三十里春秋時棘邑

瀋邑王蠋所居卽此邑因瀋水爲名並田單列傳正義

吳芮故城在潭州長沙縣東南三百里賈誼宅在縣

南三十步賈生列傳正義

蹇叔岐州人也時游宋故迎之於宋

公孫支岐州人游晉後歸秦

瀆山一名崑山二名斷蛇邱在隨州隨縣北二十五

里並李斯列傳正義

中廬在義清縣北二十里本春秋時廬戎之國也秦

謂之伊廬漢為中廬縣項羽之將鍾離昧冢在焉淮陰

侯列傳正義

白馬水源出文州曲水縣西南會徑孫山下

後人故城在代州繁峙縣界並樊會列傳正義

酈食其墓在雍邱西南二十八里酈生列傳正義

故橫城在宋州宋城縣西南三十里傅寬列傳正義

平陽故城在相州臨漳縣西二十五里靳歙列傳正義

蒯城在河南西十四里苑中蒯成侯列傳正義

成固故城在梁州成固縣東六十里漢成固城鼂錯列傳

正義

順陽故城在鄧州穰縣西三十里楚之郟邑也張釋之列

傳正義

漢建陵縣故城在沂州丞縣界衛綰列傳正義

矍相圃在兗州曲阜縣南三十里

漢武功縣在渭水南今盩厔縣西界

駱谷在雍州藍屋縣西南二十里開駱谷道以通梁

州並田叔列傳正義

秦兼天下以爲鄣郡今湖州長城縣西南八十里故鄣城是也

銅山今宜州及潤州句容縣有

漢吳王濞冢在潤州丹徒縣東練壁聚北今入於江

並吳王濞列傳正義

祁連山在甘州張掖縣西南二百里

天山一名白山今名初羅漫山在伊吾縣北百二十

里

伊州在京西北四千四百一十六里並李將軍列傳正義

幽州漁陽縣本北戎無終子國

焦穫亦名剗口亦曰剗中在雍州涇陽縣北城十數

里周有焦穫也

白土故城在鹽州白池東北三百九十里白土近延

州綏州銀州本春秋時白狄所居七國屬魏後入秦

潞州本赤狄地延銀綏三州白狄地

縣諸城秦州秦嶺縣北五十六里漢縣諸道屬天水

郡 前漢秦代秦郡城在渭州襄武縣東南三十七里古之獮戎

獮道故城在渭州襄武縣東南三十七里古之獮戎

邑漢獮道屬天水郡

寧州慶州西戎即劉拘邑城時為義渠戎國秦為北

地郡

同州馮翊縣及朝邑縣本漢臨晉縣地古大荔戎國

今朝邑縣東三十步故王城即大荔王城

烏氏故城在涇州安定縣東三十里周之故地後入

戎秦惠王取之置烏氏縣

鹽州古戎狄居之即胸衍戎之地秦北地郡

朔州春秋時北地也

嵐州樓煩胡地也

趙武靈王長城在朔州善陽縣北

陰山在朔州北塞外突厥界

勝州連谷縣本秦九原郡漢武帝更名五原雲陽雍

縣秦之林光宮即漢之甘泉宮在焉

秦故道在慶州華池縣西四十五里子午山上自九

原至雲陽千八百里



秦隴西郡臨洮縣卽今岷州城本秦長城首起岷州  
西十二里延袤萬餘里東入遼水

漢五原郡河目縣故城在北假中北假地名也在河  
比今屬勝州銀城縣

涼甘肅延沙等州地本月氏國

彭陽故城在涇州臨城縣東二十里

秦曰中宮在岐州雍縣西四十里卽匈奴所燒者也  
定襄故城在朔州善陽縣北三百八十里

焉支山一名刪丹山在甘州刪丹縣東南五十里

徑路祠神在雍州雲陽縣西北九十里甘泉山下本  
匈奴祭天處秦奪其地後徙休屠右地

鐵勒國匈奴冒頓之後在突厥國北樂勝州經秦長  
城大羹長路正北經砂磧十三日行至其國

五原郡相陽縣北出石門鄯得光祿城又西北得支  
就縣又西北得頭曼城又西北得牢城河又西北得  
宥虜城

漢居延縣故城在甘州張掖縣東北一千五百三十  
里有漢遮虜鄯疆弩尉路博德之所築李陵敗與士

舟期至遮虜鄣卽此也長老傳云鄣北百八十里直  
居延之西北是李陵戰地也並匈奴列傳正義

夏州朔方縣北什賁故城是朔方城

梁北河在靈州界

並衛將軍列傳正義

故劇城在青州壽光縣南三十一里

故薛城在徐州滕縣界

並公孫宏列傳正義

梅嶺在虔化縣東北百二十八里虔州漢亦屬豫章

郡

東越列傳正義

高驪都平襄城本漢樂浪郡王險城古朝鮮地也

朝鮮高驪狍東沃沮五國之地國東西千三百里南

北二千里在京師東東至大海四百里北至營州界

九百二十里南至新羅國六百里北至靺鞨國千四

百里

並朝鮮列傳正義

笮州本西蜀徼外曰猫羗嶺

蜀西徼外羗茂州冉州本冉駝國地也

隴右成州武州皆白馬氏其豪族楊氏居成州仇池

山上

滇池澤在昆州晉寧縣西南三十里其水源深廣而

更淺狹有似倒流故謂滇池

二十里其水

五尺道在郾州

並西南夷列傳正義

靺鞨國古肅慎也亦曰挹婁在京東北八千四百里南至扶餘千五百里東及北各抵大海也

秦長楊宮在雍州盤匡縣東南二里上起以宮內有長楊樹以為名

秦宜春宮在雍州萬年縣西南二十里宜春苑在宮之東社之南

弱水有二源俱出女國北阿儻達山南流會於國北

又南歷國北車去一里深丈餘濶六十步非乘舟不

可濟流入海阿儻達山一名崑崙山其山為王在雍

州西南一萬五千二百七十里

又云弱水在甘州張掖縣南山下

崑崙在肅州酒泉縣南八十里

阿儻建山亦名建山達山亦名崑崙恒河出其南吐

獅子口經天竺入達山鳩水又名為滸海出書於西

河北隅吐馬口經安息大夏國入西海黃海出東北

隅吐牛口東北流經濫澤潛出大積石山至華山北

東入海其三河去山入海各三萬里

並司馬相如列傳正義

谷口故城在雍州醴泉縣東北四十里漢谷口縣也

肥陵故城在壽州安豐縣東六十里在故六城東北

百餘里

並淮南列傳正義

泮宮在兗州曲阜縣西南二百里魯城內宮之內

儒林

申公列傳正義

故楊城本秦時楊國漢楊縣城今晉州洪洞縣也至

隋為楊唐初改為洪縣以故洪洞鎮為名也秦及漢

皆屬河東郡

邳都墓在洪洞縣東南二十里

並酷吏邳都列傳正義

率都沙邽國亦名蘇對沙邽國本漢大宛國

康居國在京西一萬六百里其西北可二千里有奄

祭酒國

蒲昌海一名沕澤一名鹽澤亦名輔日海亦名穿蘭

亦名臨海在沙州西南玉門關在沙州壽昌縣西六

里

火山國在扶風南東大湖海中其國中山皆火然火

中有白鼠皮及樹皮積為火浣布

小人國在大秦南人纔三尺其耕稼之時懼鶴所食

大秦衛助之卽僬僥國其人穴居也  
沙祇大國卽舍衛國也在月氏南萬里卽波斯匿王  
浚處此固共九十種知身後事城有祇樹給孤園  
天竺國有東西南北中央天竺國國方三萬里去月  
氏七千里大國隸屬凡二十天竺在崑崙山南大國  
也治成臨恒水

阿耨達山亦名建末達山亦名崑崙山水出一名拔  
扈利水一名恒伽阿卽經稱河者也自崑崙山以南  
多是平地而下濕土肥良多種稻歲四熟留役駝馬

米粒亦極大

佛上忉利天爲母說法九十日波斯匿王思飲見佛  
卽刻牛頭旃檀象置精舍內佛坐此像是衆象之始  
後人所法也佛上天青梯今變爲石沒入地唯餘十  
二蹬蹬間二尺餘彼耆老云梯入地盡佛法滅

王舍國胡語曰罪悅祇國其國靈鷲山胡語曰耆闍  
崛山山是青石石頭似鷲鳥名耆闍鷲也崛山石也  
山周四十里外周圍水佛於此坐禪及諸阿難等俱  
在此坐

小孤石石上有石室者佛坐其中天帝釋以四十二事問佛佛一一以指畫名其跡尙存又於山上起塔佛昔將阿難在此山中四望見福田疆畔因制七條衣割截之法於此今袈裟衣是也

沙州龍勒山在玉門縣南百六十五里玉門關在縣

西百一十八里並大苑列傳正義

漸臺在長安故城中

雅州榮經縣北三里有銅山卽鄧通得賜銅山鑄錢

者邑榮經卽嚴道佞幸列傳正義

富平故城在倉州陽信縣東南四十里漢縣也

橫渠首接漳水蓋西門豹史起所鑿之渠也並滑稽列傳正義

陶卽陶山在齊川平陽縣東三十五里陶山之陽今

南五里猶有朱公冢又云曹州濟陽縣東南三里有陶朱公冢又云陶朱公冢在南

郡華容縣西

寡婦清臺山俗名貞女山在涪州采安縣東北七十

里

江州潯陽縣有黃金山山出金並貨殖列傳正義

安陵故城在雍州咸陽東二十一里周之程邑也

華池在同州韓城縣西南七十里在夏陽故城西北

四里

高門原俗名馬門原在同州韓城縣西南十八里漢

司馬遷墓在韓城縣南二十二里夏陽縣故東南有

司馬遷冢在高門原上也

龍門在同州韓城縣北五十里其山更黃河夏禹所

鑿者也龍門山在夏陽縣遷卽漢夏陽縣人也至唐

改曰韓城縣

石筍山一名玉筍山又名宛委山卽會稽山一峰也

在會稽縣東南十八里

徐州滕縣漢蕃縣

並太史公自序正義

古禹城在山苻縣北後魏移於濟北

中條山在王屋縣西北九十里東接王屋山西入絳

州垣縣界

薄骨律以在河港之中隨水上下未嘗陷沒故號曰

靈州初在河北胡城大統六年於梁園復築城以爲

州卽今州城是也

彭山縣禺山北有龍州東接導江

西昌縣城西十里地名木柵有益昌縣

慈姥山積石臨江岸壁峻絕山上出籐竹堪爲簫管屬樂府爲鼓吹山今並芊茸頭細不任

周顯王四十六年楚伐越大敗其王無疆盡取其地至於浙江之北故復屬於楚秦漢並屬會稽郡順帝以後屬吳郡

烏程東北有孫皓爲烏程侯時井一所口圍經一丈六尺

五山有五峯昔村人姚衫嘗於此採樵忽遇仙人及還家因入甕中隱身謂家人云可七日勿開日限未至家人開之衫化爲白鶴飛向五山

安吉縣銅山高一千三百尺吳採鄣山之銅卽此地南嶼山一名白水山上有湖其水白故以名之

吳興石鼓作金鼓鳴亦爲零陵郡石鼓之類

團亭港在桐城縣東六十里其水發源北界內

龍山在舒城以山狀如龍形

黃岑山在郴州城南郴水所出

並寰宇記



濮陽縣有故龍淵宮俗名瓠子宮漢書河決瓠子漢武起宮於河之旁

下皆坤元錄

濮陽縣西南八里有赤龍渦有決口故道蓋古之龍淵宮也非築宮之所

渠口自宋武帝北征之後復加埋塞隋大業元年更令開導名通濟渠西通河洛南達江淮煬帝遊江淮

於此汎龍舟至江都其交廣荆揚益越等州運漕卽此渠也

閩縣福州地卽古東甌今建州亦其地皆夷種有五

姓謂林黃是其裔

將樂石似張帆勢山畔有泉四時皆澄清

邵武有庸嶺一名烏頭嶺北隰中有蛇長七八丈爲

患都尉長吏多致死者巫言啖童女其都尉令長遂

估貨人家婢子養之八月祭送蛇穴已九女矣將樂

縣李誕

按御覽引坤元錄誤以李誕爲將樂令

有六女無男小女名奇

及受僱應之奇買好劍仍作數石米食用蜜灌之持

至穴口蛇夜出目如三尺鏡奇放食蛇乃大咋之奇

從後以劍斫之蛇出至庭而死

並寰宇記

武夷山澗東一巖有雞栖

建陽縣一百餘里有仙人葬山亦神仙所居之地

辰州溆浦縣西北三百五十里有無射山蠻俗當吉

慶之時親族集會歌舞於山上山多茶樹按御覽引坤元錄只

言辰州溆浦縣山上多茶樹此從陸羽茶經參補

滇池在叙州西二十里一名波濤池長五十里濶七

里風雷一動波浪凌山武帝欲伐昆明以其國有滇

池遂於長安西南穿池象焉周回四十里以習水戰

因名昆明通鑑綱目集覽

勞漫在蜀南靡非在姚州北去長安西南四千九百

餘里同上



